



Norges
vassdrags- og
energidirektorat

Adresseliste

Middelthuns gate 29

Postboks 5091, Majorstua
0301 OSLO

Telefon: 22 95 95 95
Telefaks: 22 95 90 00
E-post: nve@nve.no
Internett: www.nve.no

Vår dato: **04 FEB 2008**
Vår ref.: NVE 200709636-3 kti/stp
Arkiv: 312 /047.40
Dykkar dato:
Dykkar ref.:

Sakshandsamar:
Steinar Pettersen
22 95 90 13

Org.nr.:
NO 970 205 039 MVA
Bankkonto:
7694 05 08971

Småkraft AS – Søknad om løyve til å bygge Yståni kraftverk i Ullensvang herad, Hordaland fylke – Høyring

NVE har motteke ein søknad frå Småkraft AS, datert 20.11.2007, om løyve til å byggje Yståni kraftverk i Ullensvang herad.

Kraftverket er planlagd i Yståni. Hovudinntaket vil vere på kote 248, og to sidebekkar vil overførast til dette. Kraftstasjonen vil plasserast på kote 10 og vil få ein installasjon på 1,4 MW som gir ein midlare produksjon på 5,8 GWh/år. Rørgatetraseen vil bli på ca 930 m.

Søknaden skal handsamast etter reglane i kap. 3 i vassressurslova og gjeld løyve etter § 8. Søknaden vert kunngjort av NVE og kopi av kunngjeringa ligg ved.

Vi ber om at Ullensvang herad legg to eksemplar av søknaden ut til offentleg ettersyn på heradshuset og på biblioteket på Utne fram til **07.04.2008**. Det eine eksemplaret kan, om naudsynt, lånast ut for kortare tid (2-3 dagar) medan det andre ikkje må fjernast frå utleggingsstadene.

Vi syner elles til vedlagde informasjonsark som forklarar sakshandsaminga frå søknaden vert sendt på høyring til endeleg vedtak. Av dette går det fram kva for tilbakemelding vi ynskjer.

Uttaler sendast til NVE – Konsesjons- og tilsynsavdelinga, Postboks 5091 Majorstua, 0301 Oslo, så snart som mogleg og seinast innan **07.04.2008**. Vi ber om at uttalen i tillegg sendast på e-post til nve@nve.no.

Med helsing


Øystein Grundt
seksjonssjef
Steinar Pettersen
rådgjevar

Vedlegg: Søknad
Adresseliste
Kunngjering
Informasjonsark om sakshandsaminga

Kopi: Småkraft AS, postboks 7050, 5020 Bergen

Adresseliste

Tal på søknader	Namn/adresse
4	Ullensvang Herad, 5780 Kinsarvik
3	Fylkesmannen i Hordaland, Postboks 7310, 5020 BERGEN
2	Hordaland fylkeskommune, Postboks 7900, 5020 BERGEN
1	Statens vegvesen., Region vest, Askedalen 4, 6863 LEIKANGER
1	Naturvernforbundet Hordaland, Postboks 1201, 5811 Bergen
1	NJFF Hordaland, Tverrgaten 4/6 5017 BERGEN
1	Bergen Turlag, Tverrgaten 4/6 5017 BERGEN
1	Forum for natur og friluftsliv i Hordaland v/ Bergen Turlag, Tverrgaten 4/6 5017 BERGEN
1	NOF Avdeling Hordaland, Boks 280, 5751 ODDA
1	Indre Hardanger Kraftlag AS, Boks 33, 5782 KINSARVIK
1	BKK nett, PB 7050, 5020 Bergen
1	Internt: NVE-RV, VAS, EMR



KUNNGJERING

Søknad om løyve til bygging av Yståni kraftverk i Ullensvang

Småkraft AS søker om løyve til å byggje Yståni kraftverk i elva Yståni i Ullensvang herad i Hordaland.

Kraftverket vil få ein installasjon på 1,4 MW som vil gje ein produksjon på 5,8 GWh. Inntaket vil bli på kote 248 og kraftstasjonen på kote 10, ovanfor riksveg 550. To sidebekkar er planlagd overført til inntaket.

Søknaden gjeld løyve etter § 8 i vassressurslova, og blir handsama etter reglane i kapittel 3 i same lov.

Søknaden er lagt ut til offentleg ettersyn i heradshuset i Ullensvang fram til **07.04.2008**.

Vi ber om at merknader til søknaden vert sendt til NVE – Konsesjon og tilsyn, Postboks 5091 Majorstua, 0301 OSLO så raskt som mogleg og seinast innan **07.04.2008**. Av omsyn til sakshandsaminga i NVE ber vi òg om å få oversendt uttalen på e-post til nve@nve.no.



SAKSHANDSAMINGSRUTINER VED SØKNAD OM KONSESJON ETTER VASSRESSURSLOVA § 8 DER NVE KAN GI LØYVE

Generelt

NVE har heimel til å gi løyve i saker som ikkje gjelder kraftproduksjon og i saker som gjeld små kraftverk (installert effekt under 10 MW), medan løyve til større kraftutbyggingar vert gjeve av Kongen i statsråd.

Denne orienteringa rettar seg mot høyringsinstansane med det føremål å effektivisere utsendinga av søknadene. Vidare gir den ei samla oversikt over kva som det er ynskjeleg at vert lagt vekt på i fråsegnene frå dei offentlege forvaltningsorgana.

Handsaming av søknaden fram til endeleg avgjerd

NVE sender søknaden på høyring til dei kommunane, fylkesmenn (FM), fylkeskommunar (FK) som saka vedkjem, ev. òg til statlege forvaltningsorgan som saka vedkjem. Saka vert kunngjort i ei eller fleire aviser i distriktet og kommunen legg søknaden ut på eit eller fleire offentleg kontor der den kan studerast, eventuelt lånast. Vedlagt adresseliste viser kva høyringsinstansar som mottar søknaden. Andre kan få søknaden tilsendt ved å kontakte NVE sin sakshandsamar.

Søkjar får høve til å kommentere innkomne fråsegner før NVE avsluttar handsaminga.

Ved ei totalvurdering av saka står NVE fritt til å vurdere om konsesjon skal tilrådest og i kva utstrekning. Søknaden og innkomne fråsegner er viktige grunnlag for denne vurderinga.

Dersom NVE gjev konsesjon, kan det knyttast vilkår til dette, jf. § 26. Vilkåra kan omfatte reglar

om byggjefristar, reguleringshøgder, vasslepping, godkjenning av planer m.o.t. miljø og tryggleik, tersklar, erosjon, naturforvaltning, forureining, fornminne og sanksjonsbestemmelsar ved eventuelle brot på vilkåra.

NVE si avgjerd kan påklagast til Olje- og energidepartementet innan 3 veker frå det tidspunkt underretning er kome fram til parten.

Dersom det er søkt om løyve etter energilova for elektriske anlegg i kraftverk og/eller for høgspennet overføringsanlegg, vil NVE gi naudsynte konsesjonar samstundes med at vassressurslovsaka er endeleg avgjort.

Kva forventast av høyringsinstansane ?

Føremålet med høyringa er å få synspunkt på dei framlagde planane. Det er ynkeleg med grunngitte synspunkt på om planane bør gjennomførast, ev. val av alternativ eller avgrensingar i planane. NVE ynskjer òg grunngitte forslag til avbøtende tiltak som kan redusere skadene ved gjennomføring av planane.

NVE ventar at kommunen spesielt omtalar tilhøve knytt til kommuneplanen. I tillegg bør kommunen gi ei oversiktleg framstilling av tilhøvet mellom den framlagde planen og dei lokale interessene. Dersom søknaden òg gjeld løyve til elektriske anlegg, ber vi kommunen uttale seg om dette òg. Kommunen skal sende kopi av si fråsegn til FM i god tid før fristen går ut.

FM bør i si fråsegn legge særleg vekt på tilhøva omkring forureining, landbruk og miljø (herunder fisk) FK bør tilsvarende leggje vekt på kulturminne.

Fråsegner skal sendast til NVE.

I tillegg til vanleg brev ynskjer vi òg at fråsegnene vert sendt elektronisk, helst som e-post (nve@nve.no).